

SAKSPAPIR

Saksnr	Utval	Type	Dato
048/20	Formannskapet	PS	10.06.2020
037/20	Heradsstyret	PS	17.06.2020

Saksbehandlar	ArkivsakID
Bente Skjerpung	20/1311

Alkoholpolitisk handlingsplan for Osterøy kommune 2016 - 2020 - vidareføring for ny periode

Vedlegg:

ALKOHOLPOLITISK HANDLINGSPPLAN_Osterøy kommune 2016-2020_til vedtak HS 05.10.2016

2.gongs handsaming - Alkoholpolitisk handlingsplan for Osterøy kommune 2016-2020

Rådmannen sitt framlegg til vedtak:

«Retningslinjer for skjenking og sal av alkohol, Alkoholpolitisk handlingsplan for Osterøy kommune 2016 – 2020 vert vidareført for perioden 2020 – 2024. Rådmannen får fullmakt til å gjera nødvendige oppdateringar i dokumentet som følgjer av endringar i lov og forskrift. Saka vert lagt ut på høyring før heradsstyret gjer endeleg vedtak.»

Formannskapet - 048/20

FS - behandling:

Turid B. Njåstad, SP, gjorde slikt framlegg om endring i planen under pkt 1.3 Retningslinjer for tildeling av skjenkeløyve: "Punkt a) *Skjenkestader bør lokalisast til kommunesenteret Lonevåg og områdesentra Fotlandsvåg, Valestrand og Haus*, vert teke ut."

Ellinor T. Birkeland, FRP, gjorde slikt framlegg: "Det gis løyve til nettsal i Osterøy kommune iht. gjeldande regelverk."

AVRØYSTING

Rådmannen sitt framlegg - tilrådd med 7 røyster (3SP,2AP,2FRP) mot 1røyst (1KRF)

Sp sitt framlegg - samrøystes tilrådd

FRP sitt framlegg - samrøystes tilrådd

FS - vedtak:

Innstilling til heradsstyret:

«Retningslinjer for skjenking og sal av alkohol, Alkoholpolitisk handlingsplan for Osterøy kommune 2016 – 2020 vert vidareført for perioden 2020 – 2024, med slike endringar/tillegg:

I pkt 1.3 Retningslinjer for tildeling av skjenkeløyve: "Punkt a) *Skjenkestader bør lokalisast til kommunesenteret Lonevåg og områdesentra Fotlandsvåg, Valestrand og Haus* vert teke ut.

Tillegg: *Det gis løyve til nettsal i Osterøy kommune iht. gjeldande regelverk.*

Rådmannen får fullmakt til å gjera nødvendige oppdateringar i dokumentet som følgjer av

endringar i lov og forskrift. Saka vert lagt ut på høyring før heradsstyret gjer endeleg vedtak.»

Heradsstyret - 037/20

HS - behandling:

Kim Andre Hartveit, FRP, gjorde slikt framlegg: "Med heimel i Alkohollova §1-7d vedtek Osterøy kommune Alkoholpolitisk handlingsplan for perioden 2020-2024, med fylgjande endringar i ordlyden: I kapittel 6, «tidsavgrensing for skjenkeløyve,» vert tidspunkt for når skjenking skal avsluttast endra. Ny tekst vert då som fylgjer:

- a. Skjenketida for all alkoholhaldig drikk med lågare alkoholinnhald enn 22 volumprosent (gr. 1 og 2),
 - alle dagar frå kl. 0800 - 03.00 om ynskjeleg.
- b. Skjenketida for drikk med alkoholinnhald mellom 22 og 60 prosent (gr. 3),
 - alle dagar frå kl. 1300 til kl. 03.00, om ynskjeleg.

Uteservering

- c. For stader som har løyve til uteservering, er skjenketida for all alkoholhaldig drikk med lågare alkoholinnhald enn 22 volumprosent
 - alle dagar frå kl. 10.00 –03.00, om ynskjeleg
- d. For uteserveringar som har løyve til skjenking av all alkoholhaldig drikk, er skjenketida for alkoholhaldig drikk mellom 22 og 60 volumprosent
 - alle dagar frå kl. 13.00 – 0300, om ynskjeleg.

Slutta selskap

- e. For stader som har skjenkeløyve til slutta selskap, er skjenketida for all alkoholhaldig drikk med lågare alkoholinnhald enn 22 volumprosent frå kl. 08.00 til maks. kl. 03.00. For alkoholhaldig drikk mellom 22 og 60 volumprosent er skjenketida frå kl. 13.00 til maks. kl. 03.00, om ynskjeleg."

Framlegget vart trekt før avrøysting.

Jarle Skeidsvoll, KRF, gjorde slikt framlegg: "Alkoholpolitisk handlingsplan vert ikkje ført vidare slik han ligg føre. Dei alkoholpolitiske hovudmåla og delmåla kommunen legg til grunn for sin alkoholpolitikk, og kva verkemiddel som vert tekne i bruk for å nå måla skal reviderast i ein prosess med medverknad hausten 2020. Arbeidet med ein revidert plan skal sjåast i samband den heilskaplege rusmiddelpolitiske handlingsplanen."

Henrik Øksnes, FRP, gjorde slikt framlegg: "Saka vert lagt ut på høyring før vedtak fattast."

Framlegget vart trekt før avrøysting.

Det vart halde pause i drøftingane frå kl. 21.25 - kl. 21.35 med gruppemøte for H.

Kim A. Hartveit, FRP, trekte sitt framlegg.

Roald Åge Kleppe, SV, gjorde slikt framlegg: "Saka vert utsett inntil Ruspolitisk plan er lagt fram."

Henrik Øksnes, FRP, trekte sitt framlegg.

AVRØYSTING - utsetjing

Utsetjingsframlegget fekk ingen røyster og fall.

Lars Fjeldstad, SP, gjorde slikt framlegg: "Saka vert lagt ut på høyring med fylgjande endringar: All skjenking innandørs får utvida skjenketid fram til kl 02.00 for drikke med alkoholprosent under 22%."

AVRØYSTING

Jarle Skeidsvoll, KRF sitt framlegg - fall med 15 røyster (3SP,7FRP,4H,1V) mot 12 røyster (2SV, 4AP, 3KRF, 2SP, 1MDG)

Formannskapet si innstilling - vedteken med 17 røyster (5SP,7FRP,4H,1V) - mot 10 røyster (2SV, 4AP, 3KRF,1MDG)

Lars Fjeldstad sitt framlegg - vedteke med 15 røyster (3SP,7FRP,4H,1V) mot 12 røyster (2SV, 4AP, 3KRF, 2SP, 1MDG)

HS - vedtak:

«Retningslinjer for skjenking og sal av alkohol, Alkoholpolitisk handlingsplan for Osterøy kommune 2016 – 2020 vert vidareført for perioden 2020 – 2024, med slike endringar/tillegg:

I pkt 1.3 Retningslinjer for tildeling av skjenkeløyve: "Punkt a) *Skjenkestader bør lokaliseras til kommunesenteret Lonevåg og områdesentra Fotlandsvåg, Valestrand og Haus* vert teke ut.

I kap. 6, pkt. a. All skjenking innandørs får utvida skjenketid fram til kl 02.00 for drikke med alkoholprosent under 22%."

Tillegg: *Det gis løyve til nettsal i Osterøy kommune iht. gjeldande regelverk.*

Rådmannen får fullmakt til å gjera nødvendige oppdateringar i dokumentet som følgjer av endringar i lov og forskrift. Saka vert lagt ut på høyring før heradsstyret gjer endeleg vedtak.»

Saksopplysningar:

Saksopplysningar:

Bakgrunn

Gjeldande alkoholpolitisk handlingsplan 2016 – 2020 vart vedteken i heradsstyret 05.10.2016.

Alkohollova fastset at kommunen har plikt til å utarbeida ein alkoholpolitisk handlingsplan, og at denne bør gje dei alkoholpolitiske hovudmåla og delmåla kommunen legg til grunn for sin alkoholpolitikk, og kva verkemiddel som vert tekne i bruk for å nå måla. Dette kan vera tak på sals- og skjenkestader, opningstider og kontrolltiltak.

Planen bør handsamast i kvar kommunestyreperiode. Det vert vidare tilrådd å handsama planen som ein del av ein heilskapleg rusmiddelpolitisk handlingsplan.

Vurdering

Løyveperioden for sals- og skjenkestadene går ut pr. 30. september, og søknader om fornying av løyve bør difor handsamast før denne datoen. Ein vurderer då at heradsstyret bør sjå på om det er behov for å gjera endringar i gjeldande alkoholpolitisk plan før ny løyveperiode.

Rådmannen legg difor denne saka fram til vurdering og handsaming, slik at eventuelle framlegg til endringar kan leggjast ut på høyring, før ny handsaming av søknader om fornying av skjenkeløyve. Dersom heradsstyret vil vidareføra planen for ein ny periode, kan det vera bra å leggja dokumentet ut på høyring, og deretter gjera endeleg vedtak etter sommarferien.

Rådmannen si vurdering er at gjeldande plan i hovudsak kan vidareførast for ny periode.

Når det gjeld å tildela prikkar for brot på retningslinene for sal og skjenking, er dette no delegert frå heradsstyret til rådmannen.

Heradsstyret kan vurdere om det er ynskeleg å delegera mynde til å avgjera søknader om nye faste skjenke- eller salsløyve til formannskapet. Det same gjeld for inndraging av sals- og skjenkeløyve.

Når det gjeld salsløyve for butikkar har kommunen ført same politikk over lang tid. Det som er nytt i høve til gjeldande plan er at det no er opna for nettsal av alkohol med inntil 4,7% alkoholinnhald.

Kommunen har fått ein søknad om løyve til nettsal, og det er viktig at heradsstyret tek stilling til om ein ynskjer å tillata dette.

Ved nettsal må utlevering av alkoholhaldig drikk skje

- innanfor gjeldande salstider i kommunen
- kun skje til personar som er 18 år eller eldre
- ikkje skje til personar som «åpenbart er påvirket av rusmidler»

Søklar må sjølvstøtt dokumentera at nettsal og utlevering av varer vil føregå på ein trygg måte og i samsvar lova sine krav. Søklar må ha løyve frå alle kommunar der ein ynskjer å ha utlevering av alkohol. Nye faste salsløyve må handsamast av heradsstyret.

Folkehelse	-	ingen endringar i høve til dagens situasjon
Miljø	-	ingen endringar i høve til dagens situasjon
Økonomi	-	ingen endringar i høve til dagens situasjon

Konklusjon

Saka vert lagt fram for formannskapet til handsaming og innstilling til heradsstyret.